

Ancash - Salbasion Cäyitserqan - Salvation Scriptures

Efesios 2:2 Y Diosta mana cäsucurmi, supëpa mandacoqni diablupa munashqanta ruracur cawacuyarquequi. Cananpis tse diaboloqa Teyta Diosman mana cäsucoq nunacunata mana allicunata rurayänanpaq inquitarmi quecan.

Mateo 6:10 Llapan nunacuna mandadiquicho catsun. ¡Sielucho caqcuna qam mandaconequita rurayanqannolla, que patsachopis nunacuna rurayätsun!

Lucas 22:42 —Papällä, qam munarnenqa, que jipar nacanäpaq quecaqcunapita salbecamë; peru noqa munashqänoqa ama callätsuntsu, sinoqa qam munashquequino quecullätsun —nir.

Juan 16:7-9 Rasontam niyaq: Qamcunapa bienniquicunam cuticü. Mana cutiptëqa, manam shamonqatsu yanapayäshoqniui Santu Espiritu. Peru cutirnenqa, peta cachamushaqmi. 8 Pe shamurninmi, nunacunata cäyitsenqa picuna jutsasapa cayanqanta, picuna alli ruraq cayanqanta, y picuna castigashqa cayänanpaq caqta. 9 Jutsasapa cayanqantaqa cäyitsenqa, noqaman mana marcäcuyaptinmi.

2 Timoteu 2:10 Tsenomi ichicllapis mana ajayarishpa llapantapis sufričä Teyta Diospa acrashqancunata cuyanqarecur, pecunapis Jesucristurecur salbacur gloriacho wiñepa cawayänanpaq.

Romanos 15:20,21 Peru alli willaquita willapäquitaqa türarqö Jesucristupaq manaraq imepis willapäcuyanqan marcacunachomi, tsenopa juccuna yachatsicuyashqanllaman mana chänäpaq. 21 Tseno ruranqämi pactarerqan Diospa palabrancho queno escribirëcanqan: “Pepaq mana nunca wiyyashqa caqcunam wiyyanqa. Y pepaq mana nunca imepis musyashqa caqcunam cäyicuyanqa” nir.

Hechos 2:36,37 “Israel casta mayicuna, canan rasonpa caqta cäyicuyë: qamcuna tse Jesusta chiquirnin cruscho wanutsiyanqequitam, Dios churarishqa llapan nunacunapa mandacoqni y Pepa Acrashqan cananpaq” nir. 37 Pedru tseno niriptinnam, tsecho juntarëcaq nunacuna shonquncunacho nanatsicur allapa llaquicurnin, Pedruta y waquin apostolcunata tapuyarqan queno: —Tëtecuna, tsepenga ¿imatataq canan ruralläyäshaq? —nishpa.

Hebreus 4:2 Pecunatam Dios willarqan tse marcaman yecurir jamacuriyänanpaq; peru wiycarpis, mana marcäcurmi yecuyarqantsu. Pecunatanollam noqantsictapis alli willaquita musyatsimarcqontsic jamaquininta tarinantsicpaq.

Jeremias 24:7 - Mateo 22:37 Jesusnam nerqan: —‘Teyta Diosniquita cuyanqui llapan shonqiquwan, llapan boluntaniquwan y llapan yacheniquwan.’

Hechos 16:14 Jucnin caq warmipam jutin carqan Lidia. Pëqa Tiatira marcacho yuricoqmi carqan. Tse warmeqa purpurawan tiñishqa finu telacunata ranticoq negosiantim carqan. Tse warmeqa unepita Diosta adoraqmi carqan, y Diosmi shonquanta yatecorqan Pablo willapäcushqanta cäyiquicunanpaq.

Mateo 13:14-16 Pecuna tseno cayanqanmi canan tincurin profeta Isaias queno escribenqan: ‘Parlanqäta melaya wiycarpis manam cäyicuyanqatsu. Rurashqancunata melaya riquecarpis manam creyicuyanqatsu. 15 Porqui que nunacunapa shonquncunaqa pasepa chucruyashqam. Rinrincunapis latucashqam, y nawincunapis wiscuyashqam. Tsemi wiycarpis cäsucuyantsu, y riquecarpis marcäcuyantsu. Ni shonquncunacho cäyicuyantsu. Tseno carmi juclaya ticrayantsu, salbecunäpaq.’ 16 “Peru qamcunaqa cushicuyë. Porqui ricarninmi, cuentata qocuyanqui; y wiicherninmi cäyicuyanqui.

Isaias 6:9,10 - Hechos 28:27 Porqui tse nunacunapa shonquncunaqa rumiyäcurcushqataq, rinrincunapis tsapacacurcushqataq y nawincunapis wiscuyacurcushqataq. Sitsun ricayanman, wiyanman, y shonquncunacho cäyicuyanman. Tseqa noqaman cuticayämuptinchi, pecunata juclayatsiyäman carqä' nishpa.

Marcos 4:11,12 Jesusnam nerqan: —Qamcunataqa Diosmi cäyitsiyäshunqui mandaquinin imano canqanta. Peru waquincunataqa iwalatsiquicunawanmi yachatsinä. 12 “Tse nunacunaqa riquecarpis, manam cuentata qocuyantsu. Wiycarninpis, manam cäiyiyantsu. Tseno caquicar atscatam perdonta tarircuyanqa.”

Juan 12:39,40 Tsemi nunacuna mana camapucäyarqantsu creyiquita. Jina quenopis Isaias escriberqanmi: 40 “Nunacunapa nawincunamat Dios wiscuyätsishqa, y shonquncunatanam rumiyätsishqa. Tseno carmi, nawincunapis ricanqatsu y shonquncunapis cäyenqatsu. Tseno carmi juclaya ticrayantsu salbacuyänanaq” nir.

Romanos 11:7,8 Allicunata rurar salbaquita tiraq israel nunacunaqa manam quiquincunallapita salbaquita pueiyantsu. Peru Dios acranqancunam siqa salbacushqana quecayan. Waquincunam siqa chucru shonqu ticracuriyashqa. 8 Tsemi Diospa palabranpis queno escribirëcan: “Diosmi permiticushqa chucru shonqulla imepis cacuyänanaq. Tsemi riquecarpis, mana ricaq cuenta quecayan; y wiycarpis, mana wiyaq cuenta quecayan; y canancaman tseno portacoq nunacuna cayan” nir.

2 Tesalonicenses 2:10,11 Tuqui nicachaq engañuncunawanmi pushanqa condenadu nunacunatanäqa, porqui tse nunacunaqa quiquillancunam salbacuyänanaq, rasonpa caq willaquita wiycarpis mana gustayashqatsu. 11 Tsemi Teyta Dios jaqirishqa ulicurcur engañaqnincunaman creyicuyänanaqna.

Mateo 13:18-23 “Canan cäyicuyë murucoqwan iwalatsicur willapäyanqaq ima

ninan cashqanta: 19 Diospa mandaquinincho cayänanpaq alli willaquita wiyar mana cäyicoq nunacunam, näniman muru pintishqa cuentano cayan. Shonquncunaman alli willaqui chasquiyashqantam diablu pasepa qonqaratsin. 20 Waquin nunacunanan ranraman muru pinteq cuenta cayan. Pecunam alli willaquita wiyar curushishqa chasquiriyan. 21 Peru imeca mana alli watsiyoq carmi, creyiquinincunacho mana alleqpa patsacashqa cayan. Tsemi alli willaquirecur tuqui sufrimentucunata pasarnin, y nuna mayincuna chiquiyaptin creyiquinincunata qonqariyan. 22 Waquincunanan cayan casha, casha rurinman muru pinteq cuenta. Pecunam alli willaquita wiyarirnin creyicuyan; peru que patsacho imapaqpis yarpacacharmi y capoqyoq quepaq locuyarmi, alli willaquita manana wiyacurnin, ni imata Diospaqqa rurayantsu. 23 Peru waquin nunacunanan alli allpaman muru pintishqa cuenta cayan. Pecunam alli willaquita wiyar cäyicurnin, creyicuyan y allapa allicunatam Diospaq rurayan, pecunam cayan: pachacpayan, (100) joqta chuncapayan (60) y quima chunca (30) granupayan espiga wayicoq cuenta.”

2 Corintios 3:15,16 Canancamapis Moisespa librunta leyir manam salbasionpaq rasonpa caqta cäiyantsu, cäyiquinincuna tsapacashqa cuenta captin. 16 Peru Jesucristuman pipis creyicuriptinmi siqa, tse cäyiquinincuna quichacärin.

Oseas 11:3-7 - Mateo 11:28-30 Tsepitanam nerqan: “Llapequipis utishqa y llaquishqa carnenqa, noqaman shayämí. Shayämuptiqueqa, noqam jamaratsiyashquequi. 29 Imeca yugucho noqalla arsuta apaq cuentam qamcunawan purishun. Noqam qollmi shonqu car y umildi car, llapan nacaquiniquicunapita jamaratsiyashquequi. 30 Noqapa yugoqa manam lasantsu. Yanapayäpteq ancashllam canqa.”

Hechos 26:18 rasonpa caqta musyatsinequipaq. Tsenopam paqaschono puriquicayanqanpita actsicho pureqnona tigrariyanqa, y diablupa muneninta manam rurayanqanatsu, sinoqa Diospa muneninllatanam rurayanqa. Tsenopam jutsancunapita perdonecushaq y marcäquinincunarecur acrashqan caqcunatawan iwal erensiata qoycushaq' nir.

2 Timoteu 2:24-26 Diosnintsicpa sirweqnin carqa, pipis manam liryacur cacunmansu. Antis cuyacurmi y pasensiacurmi, Diosnintsicpa palabranta yachatsicunanpaq listu quecanan. 25 Tseno carqa qollmi shonqiquwanmi shumaq yacharatsinqui acse lisu nunacunatapis. Tsenopa quisas rasonpa caqta cäyicur juclaya nunana tigrarir, Teyta Dios munashqannona cawacuyanqa. 26 Tsemi tse acse nunacuna, Dios yanapaptin carselcho llawirëcaq cuenta diablupa munenincho quecayanqanta cuentata qocurir, safecuyanqa.

Apocalipsis 3:17-19 Qamcunam niyanqui ‘¡Ricum cayä, y manam imäcuna pishintsu!’ nir; peru manam cuentata qocuyanquitsu ancupëpaq, mana imayoq llimushneru, qalapachu, wiscu püru caquicayanqeiquitaqa. 18

Rasonpa ricuno queta munarqa, noqapita rantiyë tseraq ninawan tsullushqa oru püruta. Qalapachuno penqaquipaq queta mana munarqa, noqapita rantiyë yulaq ropata. Wiscuno queta mana munarqa, noqapita rantiyë jampita nawiquicunaman shututsiyänequipaq. 19 Porqui noqaqa llapan cuyashqäcunatam alli cösa piñaparcuryan willapä. Tsemi noqaman cutimorqa, llutan rureniquicunata jaqiriyänequi.

2 Corintios 7:10 Teyta Diospa boluntaninmanno mana alli rurenincunata llaquicur jaqirirmi salbasiontaqa tariyanqa. Tsemi tse llaquicunapita pesacunantsictsu. Peru Diospa boluntaninmanno llaquicur jutsancunata mana jaquerqa condenasiunmanmi ewayanqa.

1 Reyes 18:37 - Dios turned heart back to Dios.

2 Corintios 4:4 Tseno mana creiyaptinmi, que patsacho mandacoq diablu upa cuentata ticraratsiyashqa allapa puedeq Teyta Jesucristupa actsi cuenta alli willaquinintapis mana cäiyänanaq. Porqui Jesucristullachomi imano Teyta Dios canqantapis musyarintsic.

Lucas 8:11-15 "Tseqa queno ninanmi: muroqa Diospa alli willaquininmi. 12 Näni cuentam waquin nunacuna cayan. Shonquncunaman alli willaqui chasquiyashqantam diablu pasepa qonqaratsin mana creyicur salbacuyänanaq. 13 Waquin nunacunanam ranraman muru pinteq cuenta cayan. Pecunam alli willaquita wiyacur cushishqa chasquiriyan. Peru mana alli watsiyoq plantano carninmi, desgrasiacuna pasayaptin, jaqiricuyan. 14 Waquincunananam cayan casha, casha rurinman muru pinteq cuenta. Pecunam alli willaquita wiyarirnin creyicuyan. Peru tsepita unetanam capoqyoq quepaq yarpacacharnin, y cushiquillacho cawaquita munarnin, imeca wamracunganolla cacuyan ni imata Diospaqqa rurayantsu. 15 Peru waquin nunacunanam alli allpaman muru pintishqa cuenta cayan. Allapa alli shonquncunawan alli willaquita wiyarmi, creyicuyan. Tseno carmi, imata sufrirninpis tsaracuyan, y allapa allicunata Diospaq rurayan.

Hechos 15:11 ¡Mas bientaq marcäquicantsic Teyta Jesuslla alli queninwan pecunatanolla noqantsictapis salbecamanqantsicta!

Romanos 8:13 Porqui sitsun muneniquicunallacho cawacuyanqui wiñepam condenacuyanqui; peru Santu Espiritu yanapayäshuptiqui, mana alli muneniquicunata manana rurarqa, wiñe cawayoqnam cayanqui.